



# **Universitätsbibliothek Paderborn**

## **Theologia Moralis**

Antehac ex probatis Auctoribus breviter concinnata

**Busenbaum, Hermann**

**Coloniæ Agrippinæ, 1707**

Q. 143. An desinat obligari, qui probabiliter judicat se non obligari lege.

**urn:nbn:de:hbz:466:1-42634**

singulari personæ, mandans autem emoritur, adeo-  
que cessat ejus voluntas & cura respectu singularis  
personæ: è contrà lex fertur toti Reipublicæ & no-  
mine sive auctoritate illius, quæ non emoritur, sed  
voluit suam & sui curam esse perpetuam. *Dixi*, com-  
muniter, quia mandans potest per potestatem legis-  
lativam aliter disponere, sicenim mandare potest,  
ut aliquid post mortem suam executioni detur; item  
potest concedere alteri jurisdictionem, quæ, si causa  
suerit inchoata, non desinit morte mandantis; item  
præcepta, quæ sunt in Bulla cænæ, non exspirant per  
mortem Papæ, sed durant usque ad promulgationem  
novæ Bullæ; similiter in Societate J E S U præcepta,  
quæ ponunt Generales, sunt perpetua ex speciali di-  
spositione Constitutionum, uti dictum est n. 566. Vi-  
deri potest Bonar. de restit. d. I. q. 2. p. 6. à n. 24. &  
Pib. I. I. t. 29. f. 7.

L. 143. *An definat obligari, qui probabiliter* 877  
*judicat se non obligari lege.* R. Excusatur ab obliga-  
tione, si occasio sit subita & urgens periculum, ita ut  
non detur tempus consulendi Superiorem, ita S. Th.  
Caj. Sot. Suar. de leg. l. 6. c. 8. à n. 3. Teril. in Reg.  
q. 59. aff. 6. Quod si ad Superiorem recurri possit,  
Suar. n. 9. dicit esse sententiam communem usu o-  
mnium priorum & prudentum receptam, quod re-  
curri debeat, si non sit in mora periculum. Similiter  
si judicari non posset probabiliter, sed merè dubium  
esset, an casus comprehendatur sub lege, recurrentum  
est ad Superiorem, si fieri possit; si autem fieri non  
possit, servanda est lex, uti docent S. Th. Caj. Conr.  
Med.; & in casu paciente moram est per se evidens,  
inquit Suar. n. 10., quod plerique etiam dicunt, li-  
cet sit casus subitus, quia tum possidet lex, nec potest  
prudenter deponi dubium, nisi forte esset conflictus  
alterius legis etiam sub peccato obligantis, cuius  
transgres-

transgressio videretur esse majus peccatum. Vide dicta à n. 598.

*De citatione Legum.*

POST Tractatum de legibus convenit designare libros, quibus continentur leges; item modum, quo libri illi & leges citantur. Libri, quibus continentur leges, præter S. Scripturam, præcipue sunt Corpus Juris Canonici & Corpus Juris Civilis: de utroque do magis necessaria scitu.

§. I. Per Jus Canonicum intelliguntur Leges sive Regulæ rectè vivendi (nam ~~x̄v̄v̄~~ idem est quod Regula) à summis Pontificibus vel Conciliis constitutæ aut approbatæ; aliter vocatur Jus Pontificium, Sacrum, & quandoque, sed latè, Divinum, uti habetur c. *cum de diversis*, 2. de privileg. in 6. Et specificè, *Canon*, est lex edita à Concilio generali: *Decretum* est Constitutio edita à Papa non consulto: *Epistola decretalis* est Constitutio rescripta à Papa consulto: *Dogma* est Constitutio doctrinalis circa fidem: *Mandatum*, Constitutio circa mores: *Interdictum* Constitutio prohibens, sine poena: *Sanctio* Constitutio prohibens sub poena, ita *Glos.* in *decret. Gratian.* dist. 3. v. *Omnis*. Jus Canonicum universim habet sex partes.

Pars I. est decretum *Gratiani*, id est, varia dicta Pontificum, SS. PP. & Conciliorum collecta à *Gratiano* Monacho Benedictino circa annum 1151. In hac parte *Gratianus* multa addidit de suo, vel ex legibus civilibus, quæ non habent auctoritatem, nisi illam, quam conciliant eorum Auctores, uti recte *Suar.* de leg. l. 4. c. 5. n. 7. Vide etiam *Valens* in prolixi ad conc. Juris Pontif. & Phæb. in procœm. §. 3.

n. 7.